

*Bosna i Hercegovina*  
*Federacija Bosne i Hercegovine*  
*Bosansko-podrinjski kantona Gorazde*  
**VLADA KANTONA**

---

**U R E D B A**  
*o Kantonalnoj nagradi za sport*  
*Bosansko – podrinjskog kantona Gorazde*

Gorazde, maj 2013. godine

Na osnovu člana 24. Zakona o Vladi Bosansko-podrinjskog kantona Goražde (“Službene novine Bosansko-podrinjskog kantona Goražde”, broj: 5/03), te na osnovu članom 72. Zakona o sportu Bosansko-podrinjskog kantona Goražde (“Službene novine Bosansko-podrinjskog kantona Goražde”, broj: 8/11), Vlada Bosansko-podrinjskog kantona Goražde na svojoj 28. redovnoj sjednici, održanoj dana 16.05.2013. godine, *d o n o s i*:

**U R E D B U**  
**o Kantonalnoj nagradi za sport**  
**Bosansko – podrinjskog kantona Goražde**

**DIO I - OPĆE ODREDBE**

**Član 1.**  
**(Predmet)**

Ovom Uredbom utvrđuje se Kantonalna nagrada za sport Bosansko – podrinjskog kantona Goražde (u daljem tekstu Kantonalna nagrada), kriteriji za dodjelu Kantonalne nagrade kao i organizacija dodjele Kantonalne nagrade.

**Član 2.**  
**(Namjena)**

Kantonalna nagrada najviše je sportsko priznanje koje Bosansko – podrinjski kanton Goražde dodjeljuje za izuzetan doprinos u razvoju sporta i afirmacije Bosansko – podrinjskog kantona Goražde.

**Član 3.**  
**(Pravo na nagradu)**

- (1) Kantonalna nagrada dodjeljuje se sportistima, sportskim klubovima, trenerima, naučnim, stručnim i javnim radnicima u oblasti sporta, te drugim pravnim i fizičkim licima koji obavljaju sportsku djelatnost i zaslužni su za razvoj sporta Bosansko – podrinjskog kantona Goražde.
- (2) Kantonalna nagrada dodjeljuje se kao godišnja nagrada.
- (3) Kantonalna nagrada može se jednom kandidatu dodijeliti samo jednom.

**DIO II - KRITERIJI I POSTUPAK PREDLAGANJA**

**Član 4.**  
**(Način dodjele)**

Kantonalna nagrada može se dodijeliti za izuzetno uspješan rad u oblasti sporta, osvajanje državnog prvenstva, osvajanje KUP-a Bosne i Hercegovine, osvajanje zlatne medalje sa državnih takmičenja, ostvareni državni rekord, članstvo u reprezentaciji Bosne i Hercegovine, izuzetno naučno, stručno i pedagoško ostvarenje u oblasti sporta.

**Član 5.**  
**(Prijedlog za dodjelu)**

- (1) Pravo da podnesu Prijedlog za dodjelu Kantonalne nagrade imaju:

- a) Sportski klubovi za ostvareni kolektivni rezultat u uzrasnoj kategoriji seniori i prvoj uzrasnoj kategoriji ispod seniora.
  - b) Sportski klubovi za ostvareni kolektivni rezultat (pet i više zlatnih medalja na državnom prvenstvu) u uzrasnoj kategoriji seniori i prvoj uzrasnoj kategoriji ispod seniora.
  - c) Sportski klubovi za ostvareni pojedinačni rezultat u uzrasnoj kategoriji seniori i prvoj uzrasnoj kategoriji ispod seniora i to:
    - 1) za sportiste članove reprezentacije Bosne i Hercegovine koji su nastupali u sportskom klubu koji podnosi prijedlog najmanje 6 meseci prije članstva u reprezentacije Bosne i Hercegovine i koji žive na području Bosansko - podrinjskog kantona Goražde, u uzrasnoj kategoriji seniori i prvoj uzrasnoj kategoriji ispod seniora,
    - 2) za sportiste osvajače zlatne medalje sa državnih takmičenja koji su nastupali u sportskom klubu kao podnosiocu prijedloga najmanje 6 meseci prije osvajanja zlatne medalje i koji žive na području Bosansko - podrinjskog kantona Goražde, u uzrasnoj kategoriji seniori i prvoj uzrasnoj kategoriji ispod seniora i to kada nije ispunjen uslov iz stav (1) tačka b) ovog člana.
    - 3) za sportiste osvajače državnog rekorda koji su nastupali u sportskom klubu kao podnosiocu prijedloga najmanje 6 meseci prije ostvarenog državnog rekorda i koji žive na području Bosansko - podrinjskog kantona Goražde, u uzrasnoj kategoriji seniori i prvoj uzrasnoj kategoriji ispod seniora.
  - d) Sportski klubovi za trenere na funkciji nacionalnog selektora/trenera a čiji je matični klub sa teritorije Bosansko - podrinjskog kantona Goražde bio najmanje 6 meseci prije preuzimanja funkcije nacionalnog selektora/trenera i žive na području Bosansko - podrinjskog kantona Goražde, u uzrasnoj kategoriji seniori i prvoj uzrasnoj kategoriji ispod seniora,
  - e) Sportski klubovi, sportski savezi, sportska udruženja za naučne, stručne i javne radnike kao i pravna lica zaslužna za razvoj sporta Bosansko - podrinjskog kantona Goražde.
- (2) Prijedlog za dodjelu Kantonalne nagrade podnosi se Ministarstvu za obrazovanje, nauku, kulturu i sport Bosansko - podrinjskog kantona Goražde u roku od 15 dana od dana službenog priznavanja ostvarenog rezultata odnosno 15 dana od dana završetka takmičenja, odnosno u drugoj polovini četvrtog kvartala tekuće godine.
- (3) Prijedlog za dodjelu Kantonalne nagrade mora sadržavati pismeno obrazloženje. Pisano obrazloženje mora sadržavati:
- a) biografiju sa ličnim podacima o kandidatu (zanimanjem, zvanjem, statusom u ustanovi zaposlenja ili drugoj organizaciji),
  - b) uvjerenje o državljanstvu (original ili ovjerena kopija),
  - c) rješenje o upisu u Registar udruženja i fondacija koje donosi Ministarstvo za pravosuđe, upravu i radne odnose Bosansko - podrinjskog kantona Goražde (original ili ovjerena kopija),
  - d) rješenje o upisu u Registar pravnih i fizičkih lica u oblasti sporta na nivou Bosansko - podrinjskog kantona Goražde koje donosi Ministarstvo za obrazovanje, nauku, kulturu i sport Bosansko - podrinjskog kantona Goražde (original ili ovjerena kopija),
  - e) dokaz o prebivalištu ili boravištu duži od šest mjeseci na području Bosansko - podrinjskog kantona Goražde (original ili ovjerena kopija),
  - f) dokaz o postignutim sportskim rezultatima, ostvarenjima i dostignućima u sportskoj djelatnosti (diploma, plaketa, nagrada, priznanje, uvjerenje, certifikat i td.), odnosno ako se radi o stručnim, naučnim ili pedagoškim ostvarenjima u oblasti sporta (lista o ranijim priznanjima za djelovanje u sportu te drugim razlozima zbog kojih se predlaže dodjela Kantonalne nagrade) (original ili ovjerena kopija).

- (4) Prijedlog bez obrazloženja, neće se uzeti u razmatranje, a u slučaju da obrazloženje nema dovoljno elemenata za ocjenu ili je dostavljena dokumentacija nepotpuna može se od predlagača zatražiti dopunu prijedloga.
- (5) Predlagač je dužan traženu dopunu dostaviti u roku koji mu odredi Ministarstvo za obrazovanje, nauku, kulturu i sport Bosansko - podrinjskog kantona Goražde, a koji ne može biti duži od osam dana od dana prijema obavještenja. Ako u tom roku predlagač ne dopuni prijedlog isti se više neće razmatrati.
- (6) Prijedloge pristigle poslije predviđenih rokova Ministarstvo za obrazovanje, nauku, kulturu i sport Bosansko - podrinjskog kantona Goražde neće razmatrati.
- (7) U roku od 5 dana od dana kompletiranja prijedloga Ministarstvo za obrazovanje, nauku, kulturu i sport Bosansko - podrinjskog kantona Goražde dostavlja prijedlog Odluku o dodjeli Kantonalne nagrada Vladi Bosansko - podrinjskog kantona Goražde.
- (8) Odluku o dodjeli Kantonalne nagrada donosi Vlada Bosansko-podrinjskog kantona Goražde.

### **DIO III - ORGANIZACIJA DODJELE I SREDSTVA**

#### ***Član 6.***

##### **(Dodjela i oblik dodjele)**

- (1) Dodjela Kantonalne nagrada je od posebnog interesa.
- (2) Kantonalna nagrada dodjeljuje se u obliku posebnog priznanja (plakete) i novčane naknade.
- (3) Posebno priznanje (plaketa) je u omotu, na omotu je otisnut Grb Bosansko - podrinjskog kantona Goražde, i natpis Kantonalna nagrada.

#### ***Član 7.***

##### **(Sredstva)**

- (1) Sredstva potrebna za dodjelu nagrade osiguravaju se u Budžetu Ministarstva za obrazovanje, nauku, kulturu i sport Bosansko – podrinjskog kantona Goražde.
- (2) Nedostajuća finansijska sredstva, doznačit će se iz sredstava tekuće rezerve u Budžetu Vlade Bosansko-podrinjskog kantona Goražde.
- (3) Visinu novčanog dijela godišnje nagrade utvrđuje Vlada Bosansko-podrinjskog kantona Goražde prilikom donošenja odluke o dodjeli nagrade.

#### ***Član 8.***

##### **(Provođenje Uredbe)**

Za provođenje ove Uredbe kao i evidenciju dodijeljenih nagrada te organizaciju dodjele Kantonalne nagrada zadužuje se Ministarstvo za obrazovanje, nauku, kulturu i sport Bosansko – podrinjskog kantona Goražde.

## **DIO IV - PRELAZNE I ZAVRŠNE ODREDBE**

### ***Član 9.***

#### **(Stupanje na snagu Uredbe)**

Ova Uredba stupa na snagu danom objavljivanja na službenoj ploči Kantona, a naknadno će se objaviti u „Službenim novinama Bosansko-podrinjskog kantona Goražde“.

### ***Član 10.***

#### **(Primjena Uredbe)**

Ova Uredba primjenjivat će se od 01.01.2014. godine.

**VLADA  
BOSANSKO-PODRINJSKOG  
KANTONA GORAŽDE**

*Broj: 03-14-819/13*

*16.05.2013. godine*

*G o r a ž d e*

**P R E M I J E R**

*Emir Frašto*